

---

**Gwahoddiad i Dendro ar gyfer Cyflenwi/Trwyddedu Platfform Data Cwsmeriaid**

---

Cyhoeddwyd:

Dydd Iau 13 Ionawr

Dyddiad cau ar gyfer  
derbyn ceisiadau am eglurhad:

12:00 canol Dydd Iau 03 Chwefror  
2022

Dyddiad cau ar gyfer  
cyflwyno tendrau:

12:00 canol Dydd Iau 17 Chwefror  
2022

## Cyflwyniad

Mae'r ddogfen hon yn gwahodd tendrau gan unigolion, cwmnïau a sefydliadau sydd â diddordeb mewn cyflenwi a/neu drwyddedu blatfform data cwsmeriaid fel y disgrifir yn fwy penodol yn y tudalennau canlynol.

Mae'r Gwahoddiad i Dendro ("GID") yma yn cynnwys y rhannau canlynol:

|        |                                                               |
|--------|---------------------------------------------------------------|
| Rhan 1 | Gwybodaeth Gefndirol                                          |
| Rhan 2 | Gwybodaeth Bellach am y Cytundeb                              |
| Rhan 3 | Gwybodaeth i'w Chynnwys yn yr Ymateb i'r Tendir               |
| Rhan 4 | Amlinelliad y Broses Dendro a Cheisiadau am Wybodaeth Bellach |
| Rhan 5 | Meini Prawf Gwerthuso a Gwobrwyo'r Cytundeb                   |
| Rhan 6 | Nodiadau Cyfreithiol                                          |

|           |                              |
|-----------|------------------------------|
| Atodiad 1 | Cytundeb Drafft              |
| Atodiad 2 | Matrics Gwerthuso            |
| Atodiad 3 | Ffurflen Wybodaeth Sylfaenol |

**Darllenwch y Gwahoddiad i Dendro yma yn ofalus. Mae'n bosib na fydd ymatebion i'r tendr nad ydynt yn cydymffurfio â gofynion y Gwahoddiad i Dendro yma yn cael eu hystyried.**

**Mae'r broses dendr yma, gan gynnwys y Gwahoddiad i Dendr yma, yn ddarostyngedig i'r Nodiadau Cyfreithiol a nodir yn Rhan 6.**

## **Rhan 1      Gwybodaeth Gefndirol**

### **1.1   S4C**

S4C yw'r sianel deledu Gymraeg ac un o bump darlledwr teledu gwasanaeth cyhoeddus y DU. Mae'n awdurdod darlledu annibynnol a sefydlwyd o dan Ddeddf Darlledu 1981 ac mae'n cael ei reoleiddio gan Ddeddf Cyfathrebu 2003 a Deddf Darlledu 1990.

Mae S4C yn darparu ystod eang o raglennu amrywiol o ansawdd uchel yn yr Iaith Gymraeg sydd ar gael ar lwyfannau digidol gan gynnwys Freeview, Freesat, Sky a Virgin. Yn ogystal mae S4C ar gael i'w gwyllo'n fyw ac ar alw ar S4C Clic ac ar alw ar BBC iPlayer.

I gael rhagor o wybodaeth gefndirol am S4C, cyfeiriwch at Adroddiad Blynnyddol 2020/2021, sydd ar gael ar wefan S4C ([s4c.cymru](http://s4c.cymru)) neu drwy gysylltu â Gwifren Gwylwyr.

0870 600 4141 [hotline@s4c.cymru](mailto:hotline@s4c.cymru)

### **1.2   Yr Adran Marchnata a Digidol**

Cynigir y tendr hwn gan yr Adran Marchnata a Digidol yn S4C. Mae'r Adran Marchnata a Digidol yn gyfrifol am hyrwyddo pob agwedd o S4C i'r gynulleidfa gyhoeddus gyffredinol ac mae wedi ymrwymo i gefnogi brand S4C a hyrwyddo rhagoriaeth greadigol.

### **1.3   Gwybodaeth am Gefndir y Cytundeb**

Mae S4C yn ceisio ymrwymo i gontract ar gyfer cyflenwi a/neu drwydded platfform/offeryn/meddalwedd sy'n galluogi S4C i gael mynediad at a defnyddio data cwsmeriaid at ddibenion monitro, ymchwil a marchnata.

Ceir rhagor o wybodaeth am y contract a gofynion S4C yn Rhan 2.

## 2.1 Anghenion S4C

### Gofynion Hanfodol:

Dylai pob ymateb tendr ddarparu mynediad i S4C i lwyfan ar y we a fyddai'n galluogi S4C i a) casglu, coladu a storio data defnyddwyr perthnasol o amryw o ffynonellau; b) segmentu'r defnyddwyr hyn yn ôl amryw o ffactorau ymddygiadol a/neu ddemograffig; c) personoli teithiau defnyddwyr yn seiliedig ar eu hymddygiad a/neu ffactorau demograffig; ac ch) cynllunio a chyflwyno ymgyrchoedd marchnata awtomataidd yn seiliedig ar ymddygiad defnyddwyr a/neu ffactorau demograffig.

I fod yn glir, rhaid i'r blatfform hefyd –

- Caniatáu rheolaeth lawn, aml-haen o freintiau defnyddwyr.
- Caniatáu mewngofnodi/rheoli defnyddwyr lluosog.
- Bod yn hawdd ei ddefnyddio a chaniatáu integreiddio effeithiol gyda gwasanaethau trydydd parti.

Dylai pob Tendirwr hefyd ddarparu gwasanaeth cymorth effeithiol drwy gydol cyfnod y cytundeb i gynnwys modiwl hyfforddi dewisol. Mae S4C yn disgwyl i'r tendrwr llwyddiannus ymateb i ymholiadau gan S4C yn brydlon o fewn yr amserlenni y cytunwyd arnynt.

Oherwydd natur y diwydiant sy'n datblygu'n gyflym, disgwylir i Dendrwrwr hefyd ddangos y gallu i esblygu'r meddalwedd/platfform/offeryn i ymateb i arferion defnyddwyr newidiol, tueddiadau'r diwydiant, datblygiadau technolegol, a nodweddion newydd yn dod ar gael ar y gwahanol lwyfannau.

### **Gofynion Penodol:**

#### **Integreiddio data apiau gwe a symudol gydag un API**

Dylai'r offeryn alluogi S4C i:

- Mewnbynnu data o amrywiaeth o ffynonellau i'r platfform. Mae'r ffynonellau hyn yn cynnwys, ond heb fod yn gyfyngedig i -
  - Google Analytics
  - Google Ad Words
  - Sianeli Cymdeithasol (Facebook, Twitter, Instagram, TikTok)
  - YouTube
  - MailChimp
  - Amazon Web Services
  - Sianeli data personol ychwanegol drwy API

#### **Adeiladu proffiliau a chynulleidfaoedd defnyddwyr amser real**

Dylai'r offeryn alluogi S4C i:

- Segmentu cynulleidfaoedd yn seiliedig ar ymddygiadau defnyddwyr unigol
- Nodi tueddiadau defnyddwyr, a rhoi gwybod i ni am unrhyw newid nodedig mewn ymddygiad

Byddai'n fuddiol pe gallai'r ateb hefyd alluogi S4C i:

- Priodoleddau gweithgarwch i ddefnyddwyr unigol ar draws gwahanol ffynonellau data
- Cynhyrchu adroddiadau sy'n manylu ar weithgarwch defnyddwyr ar draws ein llwyfannau

**Dylunio a chyflwyno ymgyrchoedd omnichannel personol, yn seiliedig ar ymddygiad defnyddwyr**

Dylai'r offeryn alluogi S4C i:

- Trosoli'r data a gedwir o fewn y CDP i lunio a chyflwyno ymgyrchoedd marchnata awtomataidd drwy amrywiaeth o ffynonellau (e-bost, PPC a hysbysiadau gwthio o leiaf)
- Awtomeiddio profion A/B ar ymgyrchoedd, a mireinio'r gwaith o gyflwyno ymgyrchoedd yn unol â hynny

Byddai'n fuddiol pe gallai'r ateb hefyd alluogi S4C i:

- Pŵer peiriant argymhellid a fydd yn ein galluogi i awtomeiddio argymhellion gwylio yn seiliedig ar hanes ac ymddygiadau gwylio'r gorffennol

**2.2 Telerau a Hyd y Cytundeb**

Mae'r cytundeb drafft ynghlwm yn Atodiad 1.

Bydd y cytundeb am gyfnod cychwynnol o 2 flynedd gyda opsiwn i ymestyn cyfnod y cytundeb am 1 flwyddyn pellach.

Bydd disgwyl i'r Tendirwr llwyddiannus i gychwyn perfformio'r cytundeb yn syth wedi arwyddo'r cytundeb.

Bydd S4C yn adolygu'r cytundeb a pherfformiad y cwmni llwyddiannus ar ôl y tri mis cyntaf ac mae'n cadw'r hawl i derfynu'r cytundeb ar ddiwedd y cyfnod hwn yn dilyn adolygiad o'r fath. Bydd yr adolygiad hwn yn ychwanegol i unrhyw adolygiadau rheolaidd a ddarperir yn y cytundeb.

Mae S4C yn cynnal y broses dendro hon gan ddefnyddio'r weithdrefn agored dan Reoliadau Contractau Cyhoeddus 2015 (Public Contracts Regulations 2015), felly ni chaniateir unrhyw drafodaeth ynghylch y cytundeb drafft wedi i'r tendr gael ei roi i'r Tendirwr llwyddiannus. Caniateir diwygiadau i'r cytundeb drafft er mwyn adlewyrchu'r ymateb tendro llwyddiannus a/neu er mwyn egluro amodau'r cytundeb drafft yn unig. Trwy gyflwyno ymateb i'r GID yma, mae Tendirwyr yn cytuno, os byddant yn llwyddiannus, eu bod yn ymrwymo i gytundeb gydag S4C yn unol â'r ffurf a nodir yn Atodiad 1. Gofynnir i Dendirwyr nodi darpariaethau Rhan 6.3. yn y cyd-destun hwn.

**2.3 Gwarant Rhiant Cwmni a Chonsortia**

Noder efallai y bydd S4C yn gofyn i'r Tendirwr llwyddiannus ddarparu gwarantau gan riant gwmni. Os yw consortiwm yn cynnig tendr a bod ei ymateb maes o law yn llwyddiannus gall y bydd ar S4C eisiau: (i) i'r consortiwm ffurfio endid cyfreithiol cyn arwyddo cytundeb; a/neu (ii) cyd-atebolrwydd ac atebolrwydd unigol holl aelodau'r consortiwm; a/neu (iii) gwarantau a/neu ymrwymadau gan rai neu'r oll o aelodau'r consortiwm ar ran rhai neu'r oll o aelodau eraill y consortiwm.

## Rhan 3 Gwybodaeth i'w Chynnwys yn yr Ymateb i'r Tendir

### 3.1 Gwybodaeth Angenrheidiol

Dylai'r Tendirwyr ddarparu'r wybodaeth ganlynol fel rhan o'r ymateb tendro er mwyn dangos yn fanwl sut y bodlonir gofynion S4C:

- 3.1.1 **Ffurflen Wybodaeth Sylfaenol** wedi cwblhau yn y ffurf y'i gosodir yn Atodiad 3.
- 3.1.2 Datganiad yn gosod **disgrifiad o'r meddalwedd/platfform/offeryn a sut y caiff anghenion S4C eu diwallu**. Dylai'r Tendirwr osod yn glir sut y bydd yn sicrhau pob elfen angenrheidiol. Dylai'r Tendirwr ddangos gallu'r gwasanaeth i **gydweddu ac integreiddio ag elfennau trydydd parti**, lle'n berthnasol.
- 3.1.3 Disgrifiad cynhwysfawr o **brofiad perthnasol** y Tendirwr o fewn y tair blynedd diwethaf gan gynnwys rhestr o gwsmeriaid presennol y Tendirwr sy'n debyg i S4C. Disgrifiad o **hanes y meddalwedd/platfform/offeryn** a'r modd y mae eraill wedi gwneud defnydd ohono.
- 3.1.4 Methodoleg y Tendirwr ar gyfer **darpariaeth o wasanaeth cefnogi safon uchel** a chyfathrebu effeithiol gyda S4C trwy gydol cyfnod y cytundeb. Dylai'r Tendirwr ddangos ei allu i gadw i fyny â datblygiadau yn y diwydiant ac i **ddatblygu'r gwasanaeth** ar sail parhaus.
- 3.1.5 Disgrifiad o **ddefnyddioldeb y gwasanaeth a pha mor hawdd yw'r gwasanaeth i'w ddefnyddio** gan staff a defnyddwyr gweinyddol
- 3.1.6 Manylion **ffi(oedd)** y gwasanaeth i S4C. Gweler Rhan 3.2 am ragor o wybodaeth.
- 3.1.7 Unrhyw sylwadau cyfreithiol sy'n codi o'r Nodiadau Cyfreithiol a'r Cytundeb Drafft a nodir yn Atodiad 1.

#### Mynediad Treialu/Demo

Gall S4C ofyn i Dendirwyr ddarparu mynediad treialu/demo ar gyfer staff S4C i'r gwasanaeth a gynnigir gan y Tendirwr yn ystod y cyfnod gwerthuso, er mwyn galluogi S4C i asesu defnyddioldeb a pha mor hawdd yw'r gwasanaeth i'w ddefnyddio a'i allu i ddiwallu gofynion S4C. Dylai'r mynediad treialu/demo, i'r graddau sy'n posibl, adlewyrchu'r gwasanaeth a gynnigir gan y Tendirwr yn ei ymateb Tendir yn gywir. Dylid darparu'r mynediad treialu heb gost i S4C.

Gall y Tendirwyr gynnwys gwybodaeth ychwanegol pan fo hynny'n berthnasol i'w hymatebion tendro, ond ni ddylai ymatebion tendro gynnwys unrhyw wybodaeth amherthnasol nas gofynnwyd amdani yn benodol neu sy'n ofynnol yn ôl y GID hwn gan gynnwys, er enghraifft, llenyddiaeth at ddibenion gwerthu ac amodau masnachu safonol.

Rhaid i ymatebion tendro barhau i fod yn agored am 3 mis o'r dyddiad rhoddir ar gyfer cyflwyno ymatebion tendro

Os bydd y Tendirwr (neu, yn achos ymateb tendro a gyflwynir gan gonsortïwm, unrhyw aelod o'r consortïwm), ar unrhyw adeg, yn dod yn ymwybodol o'r ffaith bod unrhyw wybodaeth y mae (neu, yn achos ymateb tendro a gyflwynir gan gonsortïwm, unrhyw aelod o'r consortïwm) wedi ei ddarparu i S4C mewn cysylltiad â'r broses dendro hon yn anghyflawn, yn anghywir neu'n gamarweiniol mewn unrhyw ffordd neu heb fod yn gywir mwyach, rhaid hysbysu S4C o hyn ar unwaith.

### 3.2 Ffi(oedd)

Mae S4C yn amcangyfrif y dylid medru darparu'r gwasanaeth craidd yn unol â gofynion S4C am uchafswm ffi blynyddol o £70,000 (gan eithrio TAW). Croesawir ceisiadau sy'n cyflwyno ffigwr is.

Mae S4C yn mynnu bod y gwasanaeth craidd yn cael eu darparu am ffi sefydlog, gan gynnwys unrhyw gostau gosod, rheoli cyfrif, gweinyddu, staffio, cyfarfodydd a'r holl gostau a'r treuliau eraill sy'n codi o ddarparu'r gwasanaeth. Rhaid cyfleu'r ffi sefydlog hon mewn punnoedd sterling neu ei throsi i bunnoedd sterling, heb gynnwys TAW, ac mae'n rhaid iddi fod yn sefydlog trwy gydol y cytundeb.

Dylai unrhyw gostau ategol/gweithredol fod yn seiliedig ar ddefnydd misol o 60,000 o ddefnyddwyr unigryw.

Dylai Tendrwyr nodi'n glir y ffi(oedd) sy'n daladwy am y gwasanaethau a'r amserlen dalu a awgrymir. Dylai tendrwyr nodi'r tybiaethau y seilir y ffi(oedd) arnynt, gan gynnwys unrhyw gyfyngiadau gwasanaeth ac unrhyw elfennau a allai sbarduno ffioedd uwch.

### 3.3 Uchafswm Tudalennau

Dylai Tendrwyr geisio bod yn gryno wrth ddrafftio eu hymatebion i'r GID yma. Ni ddylai ymateb i'r GID yma fod yn hirach na 10 tudalen A4 o hyd (ac eithrio'r Ffurflen Wybodaeth Sylfaenol) ac ni ddylid defnyddio maint ffont llai na Verdana 10. Mae S4C yn cadw'r hawl i eithrio o'r broses dendro unrhyw ymateb i'r GID nad sydd yn cydymffurfio â'r gofynion hyn.

Nid yw'r cyfyngiad tudalennau uchod yn cynnwys unrhyw ddogfennau yr atodir i'r brif ddogfen ymateb i'r GID.



**Rhan 4      Amlinelliad y Broses Dendro a Cheisiadau am Wybodaeth Bellach**

**4.1    Amlinelliad y Broses Dendro**

Dylir pob ymgeisydd nodi efallai bydd gofyn iddynt gymryd rhan mewn cyfweiliad gyda S4C fel rhan o'r broses tendro fel rhan o'r broses tendro. Bydd y broses dendro yn cynnwys y camau canlynol:

|       |                                                                                      |                                    |
|-------|--------------------------------------------------------------------------------------|------------------------------------|
| Cam 1 | Dyddiad cau ar gyfer derbyn ceisiadau am eglurhad                                    | 12.00 canol dydd, 03 Chwefror 2022 |
| Cam 2 | Darparu ymatebion i'r ceisiadau am wybodaeth bellach                                 | 10 Chwefror 2022                   |
| Cam 3 | Dyddiad cau ar gyfer derbyn ymatebion tendr                                          | 12.00 canol dydd, 17 Chwefror 2022 |
| Cam 4 | Dechrau ar y gwaith o werthuso'r ymatebion tendr (gan gynnwys mynediad treialu/demo) | 21 Chwefror 2022*                  |
| Cam 5 | Cyfweiliadau, os y cynhelir                                                          | 24 Chwefror 2022*                  |
| Cam 6 | Hysbysu canlyniadau'r gwerthuso                                                      | 25 Chwefror 2022*                  |
| Cam 7 | Arwyddo cytundeb                                                                     | 07 Mawrth 2022*                    |

Noder y gall y dyddiadau sydd wedi eu marcio â \* newid.

**4.2    Cyflwyno Ymatebion Tendro**

Gofynnir i Dendrwyr gyflwyno ymateb tendro yn Gymraeg neu yn Saesneg yn unol â gofynion y GID hwn, ar ffurf electronig, erbyn y dyddiad cau ar gyfer cael ymatebion

tendro a nodir yn Rhan 4.1 uchod.

Er mwyn mynegi diddordeb yn y tendr hwn, caffael unrhyw wybodaeth ychwanegol a cyflwyno cais, ymwelwch a gwefan Sell2Wales ar <https://www.sell2wales.gov.wales/Search> a chwilio am "Tendr ar gyfer Platfform Data Cwsmeriaid".

Caniateir i dendrau gael eu cyflwyno yn y Gymraeg neu yn Saesneg. Ni fydd tendr a gyflwynir yn y Gymraeg yn cael ei drin yn llai ffafriol na thendr a gyflwynir yn Saesneg.

NI FYDD UNRHYW YMATEBION TENDRO A FYDD YN CAEL EU CYFLWYNO AR ÔL Y DYDDIAD CAU AR GYFER CAEL YMATEBION TENDRO A NODIR YN RHAN 4.1 UCHOD, NEU Y DERBYNNIR GAN S4C I UNRHYW GYFEIRIAD AC EITHRIO'R CYFEIRIAD A NODIR UCHOD, YN CAEL EU HYSTYRIED A CAIFF UNRHYW YMATEBION TENDRO O'R FATH EU HEPGOR O'R BROSES DENDRO HON.

Ni fydd S4C yn gyfrifol am unrhyw ddiffygion yn y system ddosbarthu neu am unrhyw ymatebion tendro a fydd yn mynd ar goll, a fydd yn cael eu hoedi neu a fydd yn ddiffygiol. Mae Tendrwy'r yn gyfrifol am sicrhau bod eu hymatebion tendro (ac unrhyw atodiadau) yn cael eu paratoi mewn da bryd (gan ystyried y posibilrwydd y bydd staff yn absennol neu y gallai methiannau technegol godi) a'u bod yn cael eu cyflwyno cyn y dyddiad cau ar gyfer cael ymatebion tendro, a nodir yn Rhan 4.1 uchod.

#### 4.3 Ystyried Ymatebion Tendro

Bydd S4C yn ystyried yr holl ymatebion tendro y derbynnir gan S4C sydd yn cydymffurfio â'r gofynion a nodir yn y GID hwn a'r holl wybodaeth a gafwyd o unrhyw fynediad treialu/demo yn unol â'r weithdrefn a'r meini prawf a nodir yn Rhan 5 isod. Bydd dyfarnu cytundeb yn cael ei seilio ar asesiad S4C o'r ymateb tendro sy'n cynnig y fantais economaidd fwyaf, yn unol â'r meini prawf a nodir yn Rhan 5 isod. Hysbysir pob Tendrwr a gyflwynodd ymateb i'r GID o ganlyniad gwaith gwerthuso S4C mewn neges e-bost. Gweler Rhan 5.4 ymhellach isod.

#### 4.4 Esbonio Ymatebion Tendro

Efallai y bydd S4C yn gofyn i Dendrwy'r ddarparu gwybodaeth bellach a/neu esboniad ynghylch unrhyw faterion yn eu hymatebion tendro. Fodd bynnag, y disgwyliad yw bod Tendrwy'r yn cynnwys unrhyw wybodaeth y maent yn dymuno i S4C ei hystyried yn eu hymateb tendro.

#### 4.5 Ceisiadau am Wybodaeth Bellach

Rhaid gwneud pob math o gyswllt mewn perthynas â'r broses dendro hon, gan gynnwys unrhyw geisiadau am wybodaeth bellach a/neu arweiniad wrth gwblhau ymatebion tendro, drwy wefan Sell2Wales fel y'i nodir uchod.

Ni ddylai Tendrwy'r drafod neu ofyn am wybodaeth ynghylch y broses dendro hon mewn unrhyw ffordd gan unrhyw swyddog, cyflogai, asiant neu gynghorwr arall S4C.

Anogir Tendrwy'r i nodi unrhyw arweiniad a/neu wybodaeth bellach y mae'n bosib y bydd ei hangen arnynt mewn cysylltiad â'r broses dendro hon, cyn gynted ag y bo modd. Y dyddiad cau er mwyn cyflwyno ceisiadau am wybodaeth bellach a/neu arweiniad yw **12 canol dydd 03 Chwefror 2022**. Ni ystyrir unrhyw geisiadau a fydd yn cael eu gwneud ar ôl y dyddiad cau hwn. Bydd S4C yn ceisio delio â'r holl geisiadau a wneir cyn y dyddiad cau hwn mewn ffordd brydlon.

Er mwyn sicrhau tegwch a thryloywder, sylwer y bydd yr holl geisiadau am wybodaeth bellach a/neu arweiniad ynghylch y broses dendro hon, ynghyd ag ymatebion S4C i geisiadau o'r fath, yn cael eu datgelu i'r holl Dendrwy'r. Bydd datgeliadau o'r fath yn cael eu gwneud drwy wefan Sell2Wales fel y'i nodir uchod.

Os bydd Tendrwy'r o'r farn bod unrhyw gais am wybodaeth bellach a/neu arweiniad y byddant yn ei wneud yn sensitif ar lefel fasnachol, rhaid iddynt nodi "sensitif yn fasnachol" yn eglur ar

The S4C logo is a teal square with the text 'S4C' in white, bold, sans-serif font.

y cais, a nodi'r rhesymau pam eu bod o'r farn ei bod yn sensitif ar lefel fasnachol. Sylwer, fodd bynnag, y bydd S4C yn penderfynu, yn unol â'i disgresiwn llwyr, a yw'n ystyried bod unrhyw gais o'r fath yn sensitif ar lefel fasnachol. Os bydd S4C yn penderfynu bod cais yn sensitif ar lefel fasnachol, ni fydd S4C yn datgelu'r cais na'i hymateb i gais o'r fath, i Dendrwy'r eraill. Os bydd S4C yn penderfynu nad yw cais yn sensitif ar lefel fasnachol, bydd yn hysbysu'r Tendirwr o hyn. Os bydd y Tendirwr yn cytuno nad yw'r cais yn sensitif ar lefel fasnachol, bydd S4C yn ymateb i'r cais a bydd ganddi'r hawl i ddatgelu'r cais, a'i hymateb iddo, i'r holl Dendrwy'r. Os na fydd y Tendirwr yn cytuno nad yw'r cais yn sensitif ar lefel fasnachol neu os na fydd yn hysbysu S4C a yw'n cytuno cyn pen un diwrnod gwaith, ystyrir bod y cais yn cael ei dynnu yn ôl ac ni fydd S4C yn ymateb iddo. Ni fydd unrhyw beth yn y paragraff hwn yn cael ei ddehongli fel rhywbeth sy'n cyfyngu ar allu S4C i ddatgelu unrhyw wybodaeth i unrhyw unigolyn mewn unrhyw ffordd, er mwyn cydymffurfio â'i hymrwymadau rhyddid gwybodaeth, fel yr amlinellir yn Rhan 6.6 isod.

Bernir bod unrhyw geisiadau ac unrhyw ymatebion iddynt a ddatgelir i'r holl Dendrwy'r, yn rhan o'r GID hwn.

## Rhan 5 –Meini Prawf Gwerthuso a Gwobrwyo'r Cytundeb

### 5.1 Profi Cydymffurfiaeth

Cyn cychwyn ar y broses ffurfiol o werthuso'r ymatebion tendro, bydd S4C yn archwilio'r ymatebion tendro er mwyn sicrhau eu bod yn cydymffurfio â gofynion y GID yn llawn. Gellid gwrthod ymatebion tendro nad ydynt yn cydymffurfio. Bydd S4C yn gwerthuso ymatebion tendro sy'n cydymffurfio yn llawn, yn unol â'r darpariaethau a nodir yn y Rhan 5 hwn.

### 5.2 Gwerthuso

Dyfarnir y cytundeb ar sail y tendr sy'n cynnig y fantais economaidd fwyaf. Er mwyn asesu pa dendr sydd yn cynnig y fantais economaidd fwyaf, bydd panel o gynrychiolwyr S4C yn gwerthuso ac yn sgorio'r ymatebion i'r GID yma, yn unol â'r meini prawf a'r pwysoliadau canlynol:

#### Cwestiynau Cydymffurfio:

|                                      | Meini Prawf Gwerthuso                    | Dull Gwerthuso                                                                                                                                                                                                                 |
|--------------------------------------|------------------------------------------|--------------------------------------------------------------------------------------------------------------------------------------------------------------------------------------------------------------------------------|
| <b>Ffurflen Wybodaeth Sylfaenol:</b> |                                          |                                                                                                                                                                                                                                |
| Adran 1                              | Gwybodaeth sylfaenol am y Tendrwyr       | Nid yw'n cael ei sgorio, ond mae'n rhaid i'r rhan gael ei chwblhau                                                                                                                                                             |
| Adran 2                              | Seiliau dros Waharddiad Gorfodol         | <b>Derbyniol</b> – Wedi'i chwblhau gyda phob ymateb yn "Nac ydy", neu "Ydy" gyda thystiolaeth o gamau adferol derbyniol<br><b>Annerbyniol</b> – Heb ei chwblhau neu unrhyw un neu fwy o'r ymatebion yn "Ydy" heb dystiolaeth o |
| Adran 3                              | Seiliau dros Waharddiad yn ôl Disgresiwn | <b>Derbyniol</b> – Wedi'i chwblhau gyda phob ymateb yn "Nac ydy", neu "Ydy" gyda thystiolaeth o gamau adferol derbyniol<br><b>Annerbyniol</b> – Heb ei chwblhau neu unrhyw un neu fwy o'r ymatebion yn "Ydy" heb dystiolaeth o |
| Adran 4                              | Modiwlau Ychwanegol Yswiriant            | <b>Derbyniol</b> – Wedi'i chwblhau gyda phob ymateb yn "Ie"<br><b>Annerbyniol</b> – Heb ei chwblhau neu unrhyw un neu fwy o'r                                                                                                  |
|                                      | Cydraddoldeb                             | <b>Derbyniol</b> – Wedi'i chwblhau gyda phob ymateb i C1 a C2 yn "Nac oes", neu "Oes" gyda thystiolaeth o gamau adferol                                                                                                        |

|         |                     |                                                                                                                                                                                                                                                                                                                           |
|---------|---------------------|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
|         |                     | <b>Annerbyniol</b> – Heb ei chwblhau neu ymateb i C1 a/neu C2 yn "Oes" heb dystiolaeth o gamau adferol derbyniol, a/neu'r ateb i C3 yn "Nac oes".                                                                                                                                                                         |
|         | Rheoli Amgylcheddol | <b>Derbyniol</b> – Wedi'i chwblhau gyda'r ymateb i C1 yn "Nac ydy", neu "Ydy" gyda thystiolaeth o gamau adferol derbyniol, a gyda'r ymateb i C2 yn "Oes"<br><b>Annerbyniol</b> – Heb ei chwblhau neu ymateb i C1 yn "Ydy" heb dystiolaeth o gamau adferol derbyniol, a/neu gyda'r ymateb i C2 yn "Nac oes".               |
|         | Iechyd a Diogelwch  | <b>Derbyniol</b> – Hunanardystio wedi'i gwblhau a'r ymateb i C2 yn "Nac ydy" neu'n "Ydy" gyda thystiolaeth o gamau adferol derbyniol, a'r ymateb i C3 yn "Oes"<br><b>Annerbyniol</b> – Hunanardystio heb ei gwblhau neu ymateb i C2 yn "Ydy" heb dystiolaeth o gamau adferol derbyniol, a/neu'r ymateb i C3 yn "Nac oes". |
|         | Diogelu Data        | <b>Derbyniol</b> – Hunanardystio wedi'i gwblhau a'r ymateb i C2 yn "Nac ydy" neu'n "Ydy" gyda thystiolaeth o gamau adferol derbyniol, a'r ymateb i C3 yn "Oes"<br><b>Annerbyniol</b> – Hunanardystio heb ei gwblhau neu ymateb i C2 yn "Ydy" heb dystiolaeth o gamau adferol derbyniol, a/neu'r ymateb i C3 yn "Nac oes". |
| Adran 5 | Datganiad           | Nid yw'n cael ei sgorio, ond mae'n rhaid i'r rhan hon gael ei chwblhau.                                                                                                                                                                                                                                                   |

## Cwestiynau ansoddol:

| Meini Prawf                                                                         | Gwybodaeth i'w hasesu                                                                                                                         | Cwestiynau Gwerthuso (Sut bydd S4C yn gwerthuso'r ymateb)                                                                                                                                                                     | Pwysiad    |
|-------------------------------------------------------------------------------------|-----------------------------------------------------------------------------------------------------------------------------------------------|-------------------------------------------------------------------------------------------------------------------------------------------------------------------------------------------------------------------------------|------------|
| Y gallu i gyflawni gofynion S4C gan gynnwys cydnawsedd â gwasanaethau trydydd parti | Datganiad yn nodi disgrifiad o'r feddalwedd/platfform/offeryn a sut y bydd gofynion S4C yn cael eu bodloni.                                   | A yw'r Tendirwr wedi nodi'n glir sut y bydd pob gofyniad hanfodol yn cael ei sicrhau?                                                                                                                                         | <b>20%</b> |
|                                                                                     | Dylai tendrwrwyr hefyd ddangos cydnawsedd ac integreiddiad y gwasanaeth â gwasanaethau trydydd parti, lle bo hynny'n berthnasol.              | A yw'r Tendirwr wedi dangos cydnawsedd ac integreiddiad y gwasanaeth â gwasanaethau trydydd parti?                                                                                                                            | <b>15%</b> |
| Profiad perthnasol gan gynnwys cwsmeriaid presennol                                 | Disgrifiad cynhwysfawr o brofiad perthnasol y Tendirwr yn ystod y tair blynedd diwethaf gan gynnwys rhestr o gwsmeriaid cyfredol tebyg i S4C. | A oes gan y Tendirwr brofiad perthnasol o ddarparu gwasanaethau tebyg yn ystod y tair blynedd diwethaf?                                                                                                                       | <b>5%</b>  |
| Hanes y meddalwedd/platfform/offeryn.                                               | Disgrifiad o hanes y meddalwedd/platfform/offeryn a'r ffordd y mae wedi cael ei ddefnyddio gan eraill.                                        | A yw'r Tendirwr wedi dangos a/neu wedi rhoi disgrifiad o hanes y meddalwedd/platfform/offeryn a'r ffordd y mae wedi'i ddefnyddio gan eraill?                                                                                  | <b>5%</b>  |
| Safon y gwasanaethau cymorth gan gynnwys cyfathrebu effeithiol ag S4C.              | Methodoleg y Tendirwr ar gyfer darparu gwasanaethau cymorth o ansawdd uchel a chyfathrebu effeithiol ag S4C drwy gydol tymor y contract.      | A yw'r Tendirwr wedi disgrifio sut y bydd yn darparu gwasanaeth cymorth effeithiol drwy gydol tymor y contract, yn enwedig sut y mae'n bwriadu ymateb i ymholiadau gan S4C yn brydlon o fewn yr amserlenni y cytunwyd arnynt? | <b>5%</b>  |
| Datblygu'r gwasanaeth.                                                              | Dylai'r Tendirwr ddangos ei allu i feddu ar y wybodaeth ddiweddaraf am ddatblygiadau'r diwydiant ac i ddatblygu'r gwasanaeth ar sail barhaol. | A yw'r Tendirwr wedi dangos ei allu i esblygu'r meddalwedd/platfform/offeryn i ymateb i newid mewn arferion defnyddwyr, tueddiadau'r diwydiant, datblygiadau technolegol, a nodweddion newydd yn dod                          | <b>5%</b>  |

|                                                        |                                                                                                                                                            |                                                                                                                                                                                                                      |                             |
|--------------------------------------------------------|------------------------------------------------------------------------------------------------------------------------------------------------------------|----------------------------------------------------------------------------------------------------------------------------------------------------------------------------------------------------------------------|-----------------------------|
|                                                        |                                                                                                                                                            | ar gael ar y gwahanol lwyfannau?                                                                                                                                                                                     |                             |
| Defnyddioldeb a chyfeillgarwch defnyddwyr y gwasanaeth | Disgrifiad o ddefnyddioldeb y gwasanaeth a chyfeillgarwch defnyddwyr y gwasanaeth ar gyfer staff a defnyddwyr gweinyddol                                   | A yw'r Tendirwr wedi dangos a/neu wedi rhoi disgrifiad o ddefnyddioldeb a chyfeillgarwch y gwasanaeth ar gyfer staff a defnyddwyr gweinyddol?                                                                        | <b>20%</b>                  |
| Ffi(oedd)                                              | Manylion costau'r gwasanaeth craidd i S4C.<br><br>Manylion unrhyw gostau ategol/gweithredol yn seiliedig ar ddefnydd misol o 60,000 o ddefnyddwyr unigryw. | A yw'r Tendirwr wedi darparu manylion costau'r gwasanaeth craidd i S4C?<br><br>A yw'r Tendirwr wedi darparu manylion unrhyw gostau ategol/gweithredol yn seiliedig ar ddefnydd misol o 60,000 o ddefnyddwyr unigryw? | <b>20%</b><br><br><b>5%</b> |

Mae **Atodiad 2** yn cynnwys y matrices sy'n nodi sut y bydd y wybodaeth sy'n ofynnol yn Rhan 3.1 uchod yn cael ei gwerthuso yn unol â'r meini prawf hyn.

#### Gwerthuso Ffioedd

Bydd S4C yn gwerthuso'r ffi a ddarperir gan bob Tendirwr gan ddefnyddio'r fformiwla ganlynol: y ffi isaf a ddarperir fel rhan o'r tendr wedi'i rannu â ffi a gyflwynwyd gan y Tendirwr. Gall S4C eithrio ymatebion sydd wedi darparu ffioedd anarferol o isel. Bydd ffi y gwasanaeth craidd yn cael ei phwysoli ar **20%** a bydd y ffi ategol/gweithredol yn cael ei bwysoli ar **5%**.

#### 5.3 Anghymhwysio Ymatebion Tandro/Tendrwyr

Mae S4C yn cadw'r hawl i anghymhwysio ymateb tendro a/neu Dendirwr o'r broses dendro hwn ar unrhyw adeg os:

- na fydd ymateb tendro yn cydymffurfio ag unrhyw rai o ofynion y GID hwn;
- bydd unrhyw wybodaeth a ddarperir i S4C gan y Tendirwr perthnasol (neu, yn achos consortiwm, unrhyw un o'i aelodau), yn anghyflawn, yn anghywir neu'n gamarweiniol mewn unrhyw ffordd, neu os na fydd yn gywir mwyach;
- bydd y Tendirwr wedi cynllwynio gydag unrhyw unigolyn (heb gynnwys, pan fo'r Tendirwr yn gonsortiw, cynllwynio rhwng aelodau'r consortiwm mewn cysylltiad ag ymateb tendro y consortiwm) mewn perthynas neu mewn cysylltiad gyda'i ymateb tendro neu ymateb tendro unrhyw Dendirwr arall.

Ni fydd y cam o anghymhwysio unrhyw ymateb tendro neu Dendirwr yn amharu ar unrhyw hawliau neu rwymedïau eraill S4C.

#### 5.4 Dyfarnu Cytundeb

Yn unol â darpariaethau Rhan 6.1 isod ac ar ôl cwblhau'r gwaith o werthuso ymatebion tendro, bydd S4C yn hysbysu Tendirwr o ganlyniadau'r gwaith gwerthuso. Bydd gofyn i'r Tendirwr y

The S4C logo, consisting of the letters 'S4C' in white on a teal background.

bu eu hymateb tendro yn llwyddiannus, i ymrwymo i gytundeb gydag S4C ar ffurf y cytundeb drafft. Ni fydd unrhyw gytundeb yn cael ei ffurfio oni bai a nes bod S4C yn arwyddo'r cytundeb. Ni fydd unrhyw dderbyniad llafar neu ysgrifenedig o unrhyw dendr, neu hysbysiad bod Tindrwr wedi bod yn llwyddiannus, yn gyfystyr â rhwymyn cytundeb.

## Rhan 6 Nodiadau Cyfreithiol

### 6.1 Dim ymrwymiad i gynnig y cytundeb

Ni fydd unrhyw beth yn y GID hwn neu unrhyw gyfathrebu rhwng S4C a'r Tendirwr ynghylch y broses dendro neu'r ymateb tendro yn gyfystyr â contract i ddarparu unrhyw wasanaeth y rhoddir sylw iddo yn y broses dendro hon, neu warant neu gyflwyniad y bydd unrhyw contract yn cael ei ddyfarnu neu y gallai unrhyw contract gael ei ddyfarnu.

Mae S4C yn cadw'r hawl i dynnu yn ôl o a/neu adael a/neu ohirio'r broses dendro hon ar unrhyw adeg, i beidio dyfarnu unrhyw contract o ganlyniad i'r broses dendro hon, i ychwanegu at, diwygio a/neu egluro amodau a thelerau'r GID hwn a/neu i fynnu bod Tendirwyr yn esbonio eu hymatebion tendro a/neu yn darparu gwybodaeth ychwanegol mewn perthynas ag ef.

### 6.2 Gwrthdaro rhwng Buddiannau

Rhaid i bob Tendirwr ddarparu manylion os rhagwelir y gallai fod gwrthdaro rhwng buddiannau unigolion sy'n ymwneud â'r cais a staff S4C, mae hyn er mwyn galluogi S4C i sicrhau ei fod yn neilltuo staff i'r broses dendro nad oes ganddynt unrhyw berthynas bersonol gydag unrhyw gais.

### 6.3 Cytundeb Drafft

Nodir y cytundeb drafft ar gyfer darparu'r Gwasanaethau yn Atodiad 1.

Rhaid cynnwys unrhyw sylwadau am y cytundeb drafft yn eich cais, fel y nodir ym Rhan 3.1. Fel arall, trwy gyflwyno'ch tendr, bernir eich bod wedi derbyn yr amodau a'r telerau sy'n ymddangos yn y cytundeb drafft.

Nid yw cynnwys sylwadau am y cytundeb yn eich tendr yn golygu bod S4C yn eu derbyn. Mae S4C yn cadw'r hawl i ddiwygio'r cytundeb drafft ar ôl ei gyhoeddi, unwaith y bydd manylion y cais buddugol yn hysbys, er mwyn cydymffurfio ag amodau penodol y trefniant y cytunwyd arnynt gyda'r Tendirwr llwyddiannus. Os na fydd y cytundeb yn cael ei gwblhau yn foddhaol ar ôl dyfarnu'r tendr, mae S4C yn cadw'r hawl i ddyfarnu'r tendr i Dendirwr arall neu i ail-dendro'r cytundeb.

### 6.4 Codau Ymarfer a Chanllawiau

Bydd yn rhaid i'r Tendirwr llwyddiannus gydymffurfio â'r codau ymarfer, y ddeddfwriaeth a'r canllawiau canlynol (ymhlith eraill):

- Deddfwriaeth Iechyd a Diogelwch
- Deddfwriaeth Diogelu Data
- Ymrwymiad Amrywiaeth S4C
- Polisi Cyfryngau Cymdeithasol S4C
- Cod Darlledu Ofcom
- Gofynion Technegol S4C

Dylai pob Tendirwr gynnwys y gost o gydymffurfio â'r uchod (gan gynnwys cost cyngor priodol) yn y cais. Mae nifer o'r canllawiau hyn ar gael ar Wefan Cynhyrchu S4C sef <http://www.s4c.cymru/cy/cynhyrchu/page/1154/canllawiau/>.

Field Code Changed

## 6.5 Rhyddid Gwybodaeth

Mae'r Ddeddf Rhyddid Gwybodaeth ("RhG") 2000 yn weithredol i S4C. Os bydd unrhyw Dendrwr o'r farn bod unrhyw wybodaeth a ddarperir ganddo i S4C yn sgil y gwahoddiad hwn, o natur gyfrinachol neu sensitif yn fasnachol, dylai'r Tendrwr nodi hynny yn benodol gan nodi'r rhesymau dros ystyried y fath wybodaeth yn wybodaeth sensitif. Bydd S4C yn ystyried hyn wrth benderfynu a fydd yn rhyddhau'r wybodaeth wrth ymateb i geisiadau RhG. Fodd bynnag, rhaid i ymgeiswyr dderbyn y bydd S4C yn rhyddhau gwybodaeth o'r fath os bydd yn cael cyngor cyfreithiol bod yn rhaid iddo wneud hynny er mwyn cydymffurfio gyda Deddf RhG. Mae S4C yn cadw'r hawl i benderfynu yn ei ddisgresiwn llwyr os yw unrhyw wybodaeth arbennig wedi ei eithrio rhag ei ddadlenni.

## 6.6 Diogelu Data

Trwy gyflwyno ymateb rydych yn cadarnhau eich bod wedi hysbysu pob unigolyn a adnabyddir yn yr ymateb tendr eich bod yn mynd i rannu eu data personol yn y modd hwn. Rydych yn cydnabod y bydd S4C yn prosesu'r holl wybodaeth bersonol a ddarparwyd fel rhan o'ch ymateb yn unol â Rheoliad Diogelu Data Cyffredinol 2016 a Deddf Diogelu Data 2018. Mae Hysbysiad Preifatrwydd S4C ar gael ar [www.s4c.cymru](http://www.s4c.cymru), a byddwch yn hysbysu pob unigolyn y mae eu data personol yn cael ei ddarparu i S4C o'r cymal 6.6 hwn. Bydd S4C yn prosesu unrhyw ddata personol a ddarparwyd yn eich ymateb tendr ar y sail ei fod yn eich diddordeb dilys chi ac S4C i brosesu'r holl ddata sydd wedi'u ddarparu gennych fel rhan o'r ymateb tendr ar gyfer y pwrpas o werthuso'r ymateb i dendr.

Field Code Changed

## 6.7 Cyfrinachedd a Chyhoeddusrwydd

Trwy gyflwyno ymateb tendro, mae'r Tendrwr yn cytuno cadw yn gyfrinachol unrhyw wybodaeth a ddatgelir neu a fydd ar gael i'r Tendrwr gan S4C mewn unrhyw gyfrwng yn ystod neu mewn cysylltiad â'r broses dendro hon. Cytuna Tendrwr i beidio defnyddio gwybodaeth o'r fath at unrhyw ddiben ac eithrio'r diben o baratoi'r ymateb tendro, ac i beidio datgelu gwybodaeth o'r fath i unrhyw unigolyn arall ac eithrio mewn ffordd gyfrinachol ac ar sail yr angen i'w gwybod, i'r unigolion hynny sy'n ymwneud â'r gwaith o baratoi'r ymateb tendro yn uniongyrchol. Ni fydd yr oblygiadau cyfrinachedd yn berthnasol i wybodaeth sydd eisoes yn gyhoeddus ar yr adeg y caiff ei datgelu.

Trwy gyflwyno ymateb i'r tendr mae Tendrwr yn cytuno i sicrhau na fydd aelod(au) o'u staff yn gwneud datganiad cyhoeddus o unrhyw fath (gan gynnwys, heb gyfyngiad, drwy safleoedd gwe rhyngweithio cymdeithasol, megis Facebook neu Twitter neu fel arall) yn gysylltiedig â thestun y tendr hwn neu unrhyw benderfyniad S4C ynglŷch unrhyw elfen o'r tendr hwn heblaw fod S4C wedi rhoi caniatâd ysgrifenedig o flaen llaw i'r fath gyfathrebiad.

## 6.8 Ymwadiad

Nid yw S4C yn cynnig unrhyw warant neu gyflwyniad ynghylch cyflawnder neu gywirdeb unrhyw wybodaeth yn y GID hwn ac mae unrhyw ddibyniaeth ar wybodaeth o'r fath ar eich risg eich hunain.

## 6.9 Costau'r Tendr

Mae pob Tendirwr yn gyfrifol am y costau a'r treuliau sydd yn daladwy mewn cysylltiad â'r broses tendro yma. Ni fydd S4C o dan unrhyw amod yn cyfrannu tuag at y fath gostau a threuliau.

#### **6.10 Diwygiadau i Ddogfennau Tendir**

Mae S4C yn cadw'r hawl i wneud newidiadau i'r dogfennau tendro cyn y dyddiad cau a nodir yng Ngham 1 4.1 uchod. Er mwyn galluogi ystyriaeth ar gyfer diwygiad o'r fath, gall S4C, yn unol â'i disgresiwn, ymestyn y dyddiadau a nodir yn Rhan 4.1 uchod.

#### **6.11 Hawlfraint**

Mae S4C yn berchen ar yr hawlfraint yn y GID ac unrhyw ddeunyddiau eraill a gyhoeddir neu a ddarparir gan S4C. Ni chaniateir i Dendrwrwyr gopïo, atgynhyrchu, defnyddio neu gyhoeddi copïau o'r GID neu ddeunyddiau o'r fath (neu unrhyw ran ohonynt) ac eithrio yn unol â'r graddau sy'n ofynnol er mwyn paratoi a chyflwyno'u hymatebion tendro.

#### **6.12 Dim cyd-gynllunio**

Drwy gynnig ymateb i'r GID hwn, mae pob Tendirwr yn cadarnhau:

1. bod yr ymateb i dendr yn "bona fide" ac yn gystadleuol;
2. nad yw'r Tendirwr wedi gosod neu newid yr ymateb yn unol ag unrhyw gytundeb neu drefniant gydag unrhyw berson arall (heblaw yng nghyswllt consortiwm, gydag aelodau eraill y consortiwm) nac wedi gofyn i unrhyw Dendirwr arall i wneud yr un peth; ac
3. nad yw'r Tendirwr wedi trafod neu ymgynghori ag unrhyw berson arall heblaw am S4C ynglŷn â swm neu fras gyllideb neu bris ei ymateb i'r tendr, heblaw lle roedd y fath drafod neu ymgynghori yn gyfrinachol ac yn angenrheidiol er mwyn gwneud ymholiadau ynghylch premiwm yswiriant neu ddyfynbris ar gyfer paratoi'r ymateb i'r GID.

#### **6.13 Ymddygiad Amhriodol**

Os yw'r Tendirwr neu'r rheini sydd yn cynghori unrhyw Dendirwr yn gwneud unrhyw ymgais i ddylanwadu yn amhriodol ar y broses dendr hon neu'r penderfyniad i wobrwyo'r cytundeb mewn unrhyw ffordd, yna bydd gan S4C yr hawl i anghymwysu ymateb y Tendirwr yn nisgresiwn llwyr S4C. Os yw'r Tendirwr neu'r rheini sydd yn cynghori unrhyw Dendirwr yn gwneud unrhyw ymgais i ganfasio unrhyw un o weithwyr neu asiantau S4C yn gysylltiedig â'r broses gystadleuol hon neu yn gwneud ymgais i gael gwybodaeth gan unrhyw un o weithwyr neu asiantau S4C ynglŷn ag unrhyw sefydliad arall sydd yn tendro, yna bydd gan S4C yr hawl i anghymwysu ymateb y Tendirwr hwnnw yn nisgresiwn llwyr S4C.

#### **6.14 Cyfraith Lywodraethol**

Llywodraethir yr GID hwn gan gyfreithiau Cymru a Lloegr ac mae pob Tendirwr yn cytuno, trwy ddychwelyd ymateb tendro, ymrwymo i awdurdodaeth llwyr-gyfyngedig llysoedd Cymru a Lloegr.




**ATODIAD 1**

**CYTUNDEB DRAFFT**

**YN AMODOL AR GYTUNDEB**

(Gweler y ddogfen ynghlwm)



**ATODIAD 2****MATRICES GWERTHUSO**

| <b>Sgôr</b> | <b>Categori</b>         | <b>Proffeil</b>                                                                                                                                                                                                                                                                                                                                                             |
|-------------|-------------------------|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| 0           | Ymateb sero / Gwan iawn | Methwyd â mynd i'r afael â gofynion S4C neu does dim tystiolaeth wedi ei ddarparu i fynd i'r afael â gofynion S4C.                                                                                                                                                                                                                                                          |
| 1           | Gwan                    | Cynnig gwan o ran mynd i'r afael â gofynion S4C neu gyda thystiolaeth gwan i gefnogi y byddai'r cynnig yn cael ei gyflawni, sydd â bylchau mawr, nad yw'n argyhoeddi mewn sawl ffordd neu sydd â diffyg credadwyedd difrifol.                                                                                                                                               |
| 2           | Llai na Boddhaol        | Cynnig sy'n llai na boddhaol o ran mynd i'r afael â gofynion S4C neu sydd â thystiolaeth cefnogol llai na boddhaol, sydd â bylchau cymedrol neu sy'n amherthnasol neu'n methu ag argyhoeddi.                                                                                                                                                                                |
| 3           | Boddhaol                | Cynnig boddhaol o ran mynd i'r afael â gofynion S4C neu sydd â thystiolaeth boddhaol y byddai'r cynnig yn cael ei gyflawni ond sydd â mân fylchau neu sy'n methu ag argyhoeddi i raddau neu sydd â diffyg credadwyedd.                                                                                                                                                      |
| 4           | Da                      | Cynnig da i fynd i'r afael â gofynion S4C sydd â thystiolaeth da i gefnogi y byddai'r cynnig yn cael eu cyflawni sy'n ddigonol (mewn termau ansoddol), yn argyhoeddi ac yn gredadwy.                                                                                                                                                                                        |
| 5           | Arbennig                | Cynnig arbennig sy'n mynd i'r afael â ac yna'n rhagori ar ofynion S4C mewn ffordd y mae S4C yn ystyried sy'n cynnig (yng nghyd-destun nodau ac amcanion S4C a nodir yn adran 2) gwasanaethau ychwanegol sy'n gost-effeithiol ac y gellir eu cyflawni ac sydd â thystiolaeth arbennig i gefnogi y byddai'r cynnig yn cael eu cyflawni, sy'n gyson, cynhwysfawr a chymhellol. |



**ATODIAD 3**

**FFURFLEN WYBODAETH SYLFAENOL**

(Gweler y ddogfen amgaeedig)

